



Parlamentarni vojni povjerenik BiH primio u posjetu operativnog komandanta snaga EU za operaciju „Altea“ i zamjenika načelnika Štaba Vrhovne komande savezničkih snaga za Evropu (13.2.2020)

Parlamentarni vojni povjerenik BiH Boško Šiljegović primio je u posjetu operativnog komandanta snaga Evropske unije za operaciju „Altea“ i zamjenika načelnika Štaba Vrhovne komande savezničkih snaga za Evropu general-pukovnika Oliviera Rittmanna.

U razgovoru, u kojem je učestvovao i komandant snaga EUFOR-a u BiH general-major Reinhard Trischak, vojni povjerenik upoznao je goste s radom Ureda parlamentarnog vojnog povjerenika BiH, kao i sa zakonskim ovlaštenjima i načinima pomoći u zaštiti prava profesionalnih vojnih lica i kadeta u Oružanim snagama BiH.